



**KETUA PENGARAH KESIHATAN MALAYSIA
DIRECTOR GENERAL OF HEALTH MALAYSIA**

Kementerian Kesihatan Malaysia,
Aras 12, Blok E7, Parcel E,
Pusat Pentadbiran Kerajaan
Persekutuan,
62590 Putrajaya

Tel : 603-88832545
Faks : 603-88895542
E-mail : ismailmerican@moh.gov.my

**KENYATAAN AKHBAR
KETUA PENGARAH KESIHATAN MALAYSIA**

**SITUASI SEMASA
DEMAM DENGGI DAN CHIKUNGUNYA DI MALAYSIA**
Bagi Minggu 46/2010 (14 hingga 20 November 2010)

Bagi tempoh 14 hingga 20 November 2010, sejumlah 590 kes Demam Denggi dengan 4 kematian telah dilaporkan, penurunan sebanyak 94 kes atau 14% berbanding 684 kes pada minggu sebelumnya. Jumlah kes mingguan pada tahun ini juga menurun sebanyak 229 kes berbanding jumlah kes yang dilaporkan pada minggu sama tahun 2009 iaitu 819 kes. Walau bagaimanapun, terdapat tiga (3) buah negeri menunjukkan peningkatan kes pada minggu lepas berbanding minggu sebelumnya iaitu Pahang meningkat 12 kes manakala Melaka dan Sarawak masing-masing meningkat sebanyak 1 kes (Lampiran A).

Jumlah terkumpul kes dari bulan Januari hingga 20 November 2010 adalah 42,914, masih tinggi sebanyak 17% atau 6,400 kes berbanding dengan 36,514 kes yang dilaporkan bagi tempoh yang sama tahun 2009. Kes kematian akibat denggi juga meningkat sebanyak 60% atau 47 kematian, menjadikan jumlah keseluruhan sebanyak 125 kematian berbanding 78 dalam tempoh yang sama pada tahun 2009.

Pada minggu lepas, terdapat empat (4) kematian Demam Denggi dilaporkan, iaitu dua dari Sabah dan masing-masing satu dari Selangor

dan Melaka. Berikut adalah maklumat mengenai kes-kes kematian tersebut.

Kes pertama merupakan seorang lelaki yang tidak bekerja, berusia 48 tahun yang juga menghidap *Hypertension* dan *Ischemic Heart Disease* dari Petaling Jaya, Selangor. Pesakit mula demam, muntah, sakit kepala dan selesma pada 7 November dan sehari selepas itu pesakit mendapatkan rawatan sebanyak 2 hari berturut-turut di dua sebuah klinik di Lembah Subang dan Kelana Jaya. Namun hanya 3 hari selepas mengalami simptom iaitu ketika pesakit mendapatkan rawatan di klinik ke 2, baru beliau didiagnosa menghidap Demam Denggi. Pesakit dirawat sebagai pesakit luar dan dibenarkan balik ke rumah dengan dibekalkan "Kad Rekod Pemantuan Pesakit Denggi" serta diminta untuk datang bagi rawatan susulan pada keesokan harinya. Namun pada 10 November 2010, pesakit tidak datang ke klinik tersebut tetapi terus ke Hospital Sg Buloh dan dimasukkan ke wad kerana mengalami komplikasi *Dengue Shock Syndrome* serta meninggal dunia 4 hari kemudian iaitu pada 14 November 2010. Hasil siasatan mendapati kawasan kediaman pesakit terletak 500 meter daripada kawasan wabak iaitu Apartment Sri Ara dan mempunyai kadar pembiakan Aedes yang tinggi di mana terdapat 6 bekas mempunyai membiak Aedes daripada 30 bekas yang diperiksa (CI 20%). Namun tiada usaha masyarakat setempat untuk mengadakan aktiviti gotong-royong bagi memusnahkan tempat pembiakan Aedes di kawasan tersebut. Aktiviti kawalan semburan kabus telah dijalankan terhadap 82 daripada 100 rumah di kawasan tersebut.

Kes kedua juga seorang lelaki berusia 41 tahun yang juga menghidap penyakit *Hypertension* dan *Valvular Heart Disease*, berasal dari Masjid Tanah dan bekerja sebagai operator pengeluaran di sebuah kilang.

Pesakit mula demam pada 9 November 2010 dan 2 hari kemudian iaitu pada 11 November, mendapat rawatan di sebuah klinik di Masjid Tanah dan didiagnosa sebagai demam biasa. Pesakit yang diminta untuk datang rawatan susulan pada keesokan harinya iaitu pada 12 November, telah datang semula ke klinik tersebut dan terus dirujuk ke Hospital Alor Gajah pada hari yang sama kerana menghidap Demam Denggi . Selepas 3 hari berada di Hospital tersebut, pesakit dirujuk ke Hospital Melaka untuk rawatan lanjut kerana mengalami komplikasi pendarahan akibat Demam Denggi Berdarah. Malangnya pesakit meninggal dunia 5 hari selepas berada ke hospital iaitu pada 17 November 2010. Kawasan kediaman pesakit merupakan kawasan wabak dan pemeriksaan di kawasan tersebut menunjukkan kadar pembiakan Aedes adalah tinggi iaitu *Aedes Index* 3.57%. Aktiviti kawalan semburan kabus telah dibuat terhadap kesemua 170 buah rumah di kawasan tersebut. Gotong-royong belum dapat dijalankan di kawasan tersebut.

Kes ketiga adalah seorang wanita berusia 35 tahun dari Tawau, Sabah dan bekerja sebagai Akauntan di sebuah syarikat pemasaran di Tawau. Beliau merupakan seorang pesakit *Chronic Myeloid Leukemia* dan menjalani rawatan susulan di Hospital Tawau. Pesakit mula demam pada 14 November 2010 dan mendapatkan rawatan di Jabatan Kecemasan dan Trauma, Hospital Tawau pada hari yang sama serta dimasukkan ke wad dengan diagnosa Demam Denggi. Walau bagaimanapun, setelah dirawat selama 5 hari, pesakit meninggal dunia pada 19 November 2010 dengan sebab kematian adalah Demam Denggi Berdarah. Aktiviti semburan kabus telah dijalankan di kesemua 139 buah rumah di kawasan tersebut manakala aktiviti gotong-royong masih belum dijalankan lagi.

Kes keempat adalah seorang kanak-kanak berusia 3 tahun dari Sandakan, Sabah. Pesakit mula demam pada 8 November 2010 dan telah mendapat rawatan pertama di sebuah klinik swasta pada hari yang sama. Empat hari kemudian iaitu pada 12 November 2010, pesakit dibawa untuk rawatan ke Hospital Duchess of Kent, Sandakan dan terus dimasukkan ke wad selepas pesakit mengalami tanda-tanda amaran awal Denggi iaitu demam, batuk, tiada selera makan, muntah, *lethargy* dan sakit perut. Walau bagaimanapun, selepas dirawat selama 7 hari, beliau meninggal dunia pada 19 November 2010 dengan sebab kematian *Dengue Shock Syndrome*. Pemeriksaan Pembiakan Aedes di kawasan kediaman telah dilakukan pada 20 November 2010 dan didapati terdapat 3 rumah mempunyai pembiakan daripada 71 yang diperiksa dan perintah pembersihan dibawah Seksyen 8, Akta Pemusnah Serangga Pembawa Penyakit 1975, telah dikeluarkan terhadap pemilik rumah tersebut . Aktiviti semburan kabus dijalankan pada 13 November 2010 dan hanya dilakukan kepada 60 dari 83 atau 72% kerana kebanyakan rumah bertutup.

Sejumlah 147 lokaliti wabak denggi dipantau di seluruh negara dan daripada jumlah tersebut, 18 lokaliti *hot spots* dikenalpasti pada minggu lepas dengan melibatkan sebanyak 261 kes Demam Denggi (Lampiran C). Lokaliti hotspots ini juga masih melaporkan sebanyak 85 kes baru pada minggu tersebut. Sepuluh (10) atau 56% daripada 18 lokaliti *hot spots* ini masih mempunyai kadar pembiakan Aedes yang tinggi (Lampiran D). Hanya 5 atau 28% daripada 22 lokaliti hotspot menjalankan aktiviti gotong-royong kerana kurangnya kerjasama masyarakat menjalankan aktiviti tersebut. Akibatnya banyak tempat pembiakan Aedes di kawasan tersebut dan ini memudahkan penularan jangkitan denggi berlaku.

Bagi Penyakit Chikungunya untuk tempoh 14 hingga 20 November 2010, terdapat 2 kes dilaporkan, tidak berubah berbanding 2 kes yang dilaporkan bagi tempoh yang sama minggu sebelumnya. Jumlah terkumpul kes Chikungunya ialah 795 kes, penurunan sebanyak 83% atau 3,947 kes berbanding dengan 4,742 kes bagi tempoh yang sama pada tahun 2009 (Lampiran B).

(TAN SRI DATO' SERI DR. HAJI MOHD ISMAIL MERICAN)

Ketua Pengarah Kesihatan Malaysia

22 November 2010

KES DENGGI DILAPORKAN PADA MINGGU 46/2010
(14 hingga 20 November 2010)

Bil.	Negeri	Bilangan Kes dan Kematian di laporkan		Jumlah Terkumpul kes denggi sehingga minggu 46/2010	Jumlah Terkumpul kes denggi sehingga minggu 46/2009
		Minggu 46 (14 – 20 Nov 2010)	Minggu 45 (7 – 13 Nov 2010)		
1	Perlis	6	6	198	188
2	Kedah	10	11	701 (3)	681
3	P. Pinang	43	43	1,565 (5)	2,232 (1)
4	Perak	28	36	2,093 (6)	2,631 (2)
5	Selangor	167 (1)	217 (1)	15,366 (43)	16,984 (44)
6	WPKL & Putrajaya	45	61	3,947 (6)	3,374 (8)
7	N. Sembilan	9	10	1,455 (7)	875 (6)
8	Melaka	40 (1)	39	1,346 (12)	745 (5)
9	Johor	72	86	4,061 (10)	2,270 (3)
10	Pahang	47	35	1,416 (4)	822 (2)
11	Terengganu	24	34	1,326 (2)	884
12	Kelantan	29	36	3,415 (11)	964 (1)
13	Sarawak	49	48	4,025 (13)	2,847 (3)
14	Sabah	21 (2)	22	1,983 (3)	993 (3)
15	WP Labuan	0	0	17	24
	MALAYSIA	590 (4)	684 (1)	42,914 (125)	36,514 (78)

Nota: () Kematian

KES CHIKUNGUNYA DILAPORKAN PADA MINGGU 46/2010
(14 - 20 November 2010)

Bil	Negeri	Bilangan Kes		Jumlah Terkumpul kes Chikungunya sehingga minggu 46/2010	Jumlah Terkumpul kes Chikungunya sehingga minggu 46/2009
		Minggu 46 (14 - 20 November 2010)	Minggu 45 (7 – 13 November 2010)		
1	Perlis	0	0	0	35
2	Kedah	0	0	0	784
3	P. Pinang	1	0	6	340
4	Perak	0	0	3	402
5	Selangor	0	0	29	424
6	WPKL & Putrajaya	0	0	1	95
7	N. Sembilan	0	0	1	31
8	Melaka	0	0	0	0
9	Johor	0	0	9	157
10	Pahang	0	0	1	71
11	Terengganu	0	0	1	59
12	Kelantan	0	0	2	437
13	Sarawak	1	0	544	1,841
14	Sabah	0	2	189	66
15	WP Labuan	0	0	9	0
	MALAYSIA	2	2	795	4,742

**SENARAI LOKALITI HOT SPOTS DILAPORKAN SEHINGGA MINGGU 46
BAGI TAHUN 2010**

Bil	Negeri	Daerah/Zon/ PBT	Lokaliti	Jumlah Kes	Tempoh Wabak Berlaku (Hari)
1	SELANGOR	Gombak	Selayang Baru K4	19	77
2	SELANGOR	MPS (GB)	Kg Rajah Rawang	16	60
3	SELANGOR	MPAJ (GB)	AU2 Taman Keramat (Zon A)	26	53
4	SELANGOR	Hulu Langat	Hentian Kajang	18	49
5	SELANGOR	Gombak	Taman Desa Jaya Kepong	22	48
6	SELANGOR	MPK (KG)	Jln Pelangi Kondominium Menara Regency	20	43
7	SELANGOR	Gombak	IPD Gombak	10	41
8	SELANGOR	Hulu Langat	Fasa 6 Seksyen 4 Bandar Baru Bangi	16	38
9	SELANGOR	MPS (GB)	Rawang Perdana Fasa 4	17	38
10	SELANGOR	Hulu Langat	Fasa 3 Seksyen 4 Bandar Baru Bangi	6	35
11	SELANGOR	Gombak	Taman Sri Ehsan	12	35
12	SELANGOR	Hulu Langat	Taman Tenaga	11	31
13	SELANGOR	Hulu Langat	Seksyen 2 Bandar Baru Bangi	6	30
14	JOHOR	MPJBT	Bandar Seri Alam, Jln. Tasek	7	36
15	JOHOR	MPJBT	Taman. Nusa Printis 1 Jln. Medan	19	30
16	WPKL	Setapak	Setapak Jaya (Asrama Sizwazah UTM, Jln Rejang 1-14)	14	44
17	WPKL	Keppong	Taman Bkt Maluri (Jln Brg Balam, Merbuk, Terkukur & Jln 5/37A)	12	43
18	WPKL	Pusat Bandar	Flat Sri Selangor	10	35

Lampiran D

**SENARAI LOKALITI HOT SPOTS YANG MASIH MEMPUNYAI KADAR
PEMBIAKAN NYAMUK AEDES YANG TINGGI PADA MINGGU 46
BAGI TAHUN 2010
(14 hingga 20 November 2010)**

Bil	Negeri	Daerah/Zon/ PBT	Lokaliti	Peratus rumah positif daripada jumlah rumah diperiksa (%)	Jum. bekas positif daripada 100 rumah diperiksa
1	WP KL	Kepong	Taman Bukit Maluri (Jln Brg Balam, Merbuk, Terkukur & Jln 5/37A)	40.0	40
2	SELANGOR	MPAJ (GB)	AU2 Taman Keramat (Zon A)	33.3	33
3	SELANGOR	Gombak	Taman Sri Ehsan	6.2	6
4	SELANGOR	Gombak	Selayang Baru K4	5.0	5
5	SELANGOR	Gombak	Taman Desa Jaya Kepong	5.0	5
6	SELANGOR	Hulu Langat	Seksyen 2 Bandar Baru Bangi	2.8	3
7	SELANGOR	Hulu Langat	Taman Tenaga	2.5	4
8	SELANGOR	Hulu Langat	Fasa 6 Seksyen 4 Bandar Baru Bangi	2.3	3
9	SELANGOR	Hulu Langat	Fasa 3 Seksyen 4 Bandar Baru Bangi	2.1	2
10	SELANGOR	Hulu Langat	Hentian Kajang	2.0	3